



Broj: 01/1-45- /25
Bihać, 31.10.2025.godine

ZAPISNIK
sa 31. redovne sjednice Skupštine Unsko-sanskog kantona
održane dana 31.10.2025.godine

31. redovna sjednica Skupštine Unsko-sanskog kantona održana je dana 31.10.2025.godine (petak) s početkom rada u 13,00 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Na sjednici je prisutno 28 zastupnika.

Odsutni su zastupnik Hajrudin Halilović i zastupnica Elvira Abdić Jelenović.

Nisvet Jusić, predsjedavajući Skupštine Unsko-sanskog kantona, pozdravio je sve prisutne u Sali, te ih upoznao da je Kolegij Skupštine utvrdio dnevni red 31. redovne sjednice Skupštine Unsko-sanskog kantona na osnovu materijala koji su se nalazili u Skupštini.

Zatim je predsjedavajući Skupštine pročitao

D n e v n i r e d

1. Zapisnik sa 30. redovne sjednice,
2. Poslanička pitanja,
3. Prijedlog Zakona o izmjeni Zakona o plaćama i naknadama u organima vlasti Unsko-sanskog kantona,
4. Nacrt Plana zaštite okoliša Unsko-sanskog kantona 2024.-2032.godina,
5. Informacija o eventualnim uzrocima zagađenja rijeke Une i poduzetim aktivnostima nadležnih institucija,
6. Informacija o stanju nasilja u porodici na području Unsko-sanskog kantona u 2024.godini,
7. Informacija o stanju sigurnosti vršnjačkog nasilja u školama na području Unsko-sanskog kantona za 2024.godinu,
8. Informacija o stanju maloljetničke delikvencije na području Unsko-sanskog kantona za 2024.godinu,
9. Informacija o stanju sigurnosti na području Unsko-sanskog kantona za period januar-juni 2025.godine,

10. Informacija o stanju sigurnosti saobraćaja na području Unsko-sanskog kantona za period od januara 2024.godine do juna 2025.godine:
 - a) Informacija o stanju sigurnosti saobraćaja na području Unsko-sanskog kantona za period januar-decembar 2024.godine,
 - b) Informacija o stanju sigurnosti saobraćaja na području Unsko-sanskog kantona za period januar-juni 2025.godine,
11. Informacija o provođenju Zakona o prijavljivanju i postupku provjere podataka o imovini nosioca javnih funkcija u USK-a za 2024.godinu,
12. Izvještaj o radu direktora Uprave policije Ministarstva unutrašnjih poslova Unsko-sanskog kantona za period od 18. jula 2024.godine do 31. jula 2025.godine:
 - a) Izvještaj o radu direktora Uprave policije Ministarstva unutrašnjih poslova Unsko-sanskog kantona za period od 18. jula do 18. oktobra 2024.godine,
 - b) Izvještaj o radu direktora Uprave policije Ministarstva unutrašnjih poslova Unsko-sanskog kantona za period od 01.11.2024. do 31.1.2025.godine,
 - c) Izvještaj o radu direktora Uprave policije Ministarstva unutrašnjih poslova Unsko-sanskog kantona za period od 01.02.2025. do 30.04.2025.godine,
 - d) Izvještaj o radu direktora Uprave policije Ministarstva unutrašnjih poslova Unsko-sanskog kantona za period od 01.05.2025. do 31.07.2025.godine,
 - e) Informacija Uprave policije od 14.10.2025.godine,
13. Izvještaj o radu Nezavisnog odbora za period od augusta 2024.godine do jula 2025.godine:
 - a) Izvještaj o radu Nezavisnog odbora za period august 2024. – januar 2025.godine,
 - b) Izvještaj o radu Nezavisnog odbora za period februar-juli 2025.godine.

Predsjedavajući Skupštine upoznao je prisutne da je u skladu sa odredbama člana 52. i 53. Poslovnika Skupštine Unsko-sanskog kantona zaprimljen zahtjev za dopunu dnevnog reda na način da se dnevni red 31. redovne sjednice Skupštine Unsko-sanskog kantona dopuni sa Izvještajem o radu i finansijskom poslovanju JP "Unsko-sanske novine" d.o.o. Bihać za 2024.godinu, podnesen od predsjedavajućeg Kluba političke stranke Narod i Pravda – NIP.

Predsjedavajući Skupštine također je naglasio da je u svojstvu poslanika podnio zahtjev za izmjenu dnevnog reda na način da se u tački 12. iza riječi izvještaj dodaju riječi: „Nezavisnog odbora“ tako da bi tačka glasila: „Izvještaj Nezavisnog odbora o radu direktora Uprave policije Ministarstva unutrašnjih poslova Unsko-sanskog kantona za period od 18. jula 2024.godine do 31. jula 2025.godine“, da se u istoj tački podtačke a), b), c) i d) brišu iz razloga što su sve sadržane u naznačenom izvještaju i kao takve će biti prezentirane, te da se tačka e) treba razmatrati u okviru nove tačke 14. obzirom da predlagač iste nije Nezavisni odbor već Komisija za borbu protiv korupcije, pitanja sigurnosti i nadzora zakonitosti rada i Uprava policije i kao takva bi se trebala razmatrati kao zasebna tačka.

Zatim je predsjedavajući Skupštine pozvao Hušić Jasmina, predsjedavajućeg Kluba političke stranke Narod i Pravda – NIP da obrazloži zahtjev za dopunu dnevnog reda.

Jasmin Hušić obrazložio je zahtjev za dopunu dnevnog reda, te je naglasio da je sad jedinstvena prilika da se razmatra Izvještaj o radu JP "Unsko-sanske novine" d.o.o. Bihać za 2024.godinu, obzirom da je pri kraju 2025.godina.

Zatim je predsjedavajući Skupštine obrazložio zahtjev za izmjenu dnevnog reda, te je konstatovao, da je dana 23.10.2025.godine Kolegij Skupštine utvrdio dnevni red za 31. redovnu sjednicu Skupštine Unsko-sanskog kantona na osnovu materijala koji su se nalazili u Službi Skupštine, te da su u utvrđenom dnevnom redu uočene greške koje su tehničke prirode i koje bi se trebale ispraviti. Naime, članom 48. stav 3. Zakona o unutrašnjim poslovima Unsko-sanskog kantona propisano je da Nezavisni odbor sačinjava detaljan tromjesečni izvještaj o radu direktora Uprave policije i dostavlja ga Skupštini Kantona, te je shodno tome dodatno izvršen pregled materijala gdje je tom prilikom utvrđeno da je isti dostavljen od Nezavisnog odbora i da bi to trebalo biti jasno naznačeno i u predmetnoj tački.

Također je utvrđeno da predlagač Informacije Uprave policije od 14.10.2025.godine nije Nezavisni odbor, već Komisija za borbu protiv korupcije, pitanje sigurnosti i nadzora zakonitosti rada i direktor Uprave policije i kao takva bi se trebala razmatrati kao zasebna tačka. On je također naglasio da se radi o tehničkim izmjenama, te da nema smetnji da se izvrši korekcija unutar utvrđenog dnevnog reda.

Također predsjedavajući Skupštine upoznao je prisutne da je Vlada Unsko-sanskog kantona predložila da se prijedlog Zakona o izmjeni Zakona o plaćama i naknadama u organima vlasti Unsko-sanskog kantona razmatra po skraćenom postupku, te je shodno tome zamolio ministra Ministarstva finansija da obrazloži razloge za skraćeni postupak.

Danko Jakšić, ministar Ministarstva finansija upoznao je prisutne da se izmjene Zakona o plaćama i naknadama u organima vlasti Unsko-sanskog kantona tiču samo izmjene procenta minulog rada sa 20% na 24%, te kako se u konkretnom slučaju ne radi o složenom i obimnom zakonu, smatra da je opravdano da se predmetni zakon razmatra po skraćenom postupku.

Predsjedavajući Skupštine zahvalio se na obrazloženju, a zatim je otvorio raspravu po dnevnom redu.

Obzirom da nije bilo prijavljenih za diskusiju, predsjedavajući Skupštine zamolio je zastupnike da se izjasne o dopuni dnevnog reda kao i o zahtjevu za izmjenu dnevnog reda.

Sa 27 glasova »za«, bez glasova »protiv« i bez glasova »suzdržan«, prijedlog da se na dnevni red uvrsti Izvještaj o radu i finansijskom poslovanju JP "Unsko-sanske novine" d.o.o. Bihać za 2024.godinu, dobio je potrebnu većinu.

Sa 27 glasova »za«, bez glasova »protiv« i bez glasova »suzdržan«, zahtjev za izmjenu dnevnog reda, podnesen od zastupnika Jusić Nisveta, dobio je potrebnu većinu.

Također predsjedavajući Skupštine zamolio je zastupnike da se izjasne o prijedlogu da se prijedlog Zakona o izmjeni Zakona o plaćama i naknadama u organima vlasti Unsko-sanskog kantona, razmatra po skraćenom postupku.

Sa 27 glasova »za«, bez glasova »protiv« i bez glasova »suzdržan«, Skupština Unsko-sanskog kantona usvojila je sljedeći:

ZAKLJUČAK

Prijedlog Zakona o izmjeni Zakona o plaćama i naknadama u organima vlasti Unsko-sanskog kantona, razmatraće se po skraćenom postupku.

Zatim je predsjedavajući Skupštine pročitao:

Dnevni red

1. Zapisnik sa 30. redovne sjednice,
2. Poslanička pitanja,
3. Prijedlog Zakona o izmjeni Zakona o plaćama i naknadama u organima vlasti Unsko-sanskog kantona,
4. Nacrt Plana zaštite okoliša Unsko-sanskog kantona 2024.-2032.godina,
5. Informacija o eventualnim uzrocima zagađenja rijeke Une i poduzetim aktivnostima nadležnih institucija,
6. Informacija o stanju nasilja u porodici na području Unsko-sanskog kantona u 2024.godini,
7. Informacija o stanju sigurnosti vršnjačkog nasilja u školama na području Unsko-sanskog kantona za 2024.godinu,
8. Informacija o stanju maloljetničke delikvencije na području Unsko-sanskog kantona za 2024.godinu,
9. Informacija o stanju sigurnosti na području Unsko-sanskog kantona za period januar-juni 2025.godine,
10. Informacija o stanju sigurnosti saobraćaja na području Unsko-sanskog kantona za period od januara 2024.godine do juna 2025.godine:
 - a) Informacija o stanju sigurnosti saobraćaja na području Unsko-sanskog kantona za period januar-decembar 2024.godine,
 - c) Informacija o stanju sigurnosti saobraćaja na području Unsko-sanskog kantona za period januar-juni 2025.godine,
11. Informacija o provođenju Zakona o prijavljivanju i postupku provjere podataka o imovini nosioca javnih funkcija u USK-a za 2024.godinu,
12. Izvještaj Nezavisnog odbora o radu direktora Uprave policije Ministarstva unutrašnjih poslova Unsko-sanskog kantona za period od 18. jula 2024.godine do 31. jula 2025.godine,
13. Izvještaj o radu Nezavisnog odbora za period od augusta 2024.godine do jula 2025.godine:
 - a) Izvještaj o radu Nezavisnog odbora za period august 2024. – januar 2025.godine,
 - b) Izvještaj o radu Nezavisnog odbora za period februar-juli 2025.godine,
14. Informacija Uprave policije od 14.10.2025.godine,

15. Izvještaj o radu i finansijskom poslovanju JP „Unsko-sanske novine“ d.o.o. Bihać za 2024.godinu.

RASPRAVA I ODLUČIVANJE PO UTVRĐENOM DNEVNOM REDU

Ad.1.

Zapisnik sa 30. redovne sjednice

Bez rasprave, sa 27 glasova »za«, bez glasova »protiv« i bez glasova »suzdržan«, Zapisnik sa 30. redovne sjednice dobio je potrebnu većinu.

Ad.2.

Poslanička pitanja

Poslanička pitanja postavili su: Emir Dautović, Nijaz Kadirić, Aida Pašić, Zinajda Hadžić, Fatka Kulenović, Rusmira Konjević, Elvir Risović i Azra Tajić.

Odgovor na poslaničko pitanje zastupnice Zinajde Hadžić dao je Denis Osmankić, ministar Ministarstva obrazovanja, nauke, kulture i sporta.

Ad.3.

Prijedlog Zakona o izmjeni Zakona o plaćama i naknadama u organima vlasti Unsko-sanskog kantona

Izjavitelj: Danko Jakšić, ministar Ministarstva finansija.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija,
- Nijaz Kadirić, predsjedavajući Komisije za budžet, ekonomsku i finansijsku politiku.

Učešće u diskusiji uzeo je Nisvet Jusić.

Sa 26 glasova »za«, bez glasova »protiv« i bez glasova »suzdržan«, prijedlog Zakona o izmjeni Zakona o plaćama i naknadama u organima vlasti Unsko-sanskog kantona, dobio je potrebnu većinu.

Ad.4.

Nacrt Plana zaštite okoliša Unsko-sanskog kantona 2024.-2032.godina

Izjavitelj:

- Edin Odobašić, ministar Ministarstva za građenje, prostorno uređenje i zaštitu okoliša,
- Kemal Hodžić, voditelj divizije za otpad i okoliš u „nLogic Advisory“.

Ispred radnih tijela:

- Sanil Hasić, predsjedavajući Komisije za prostorno uređenje, planiranje, komunalne djelatnosti, zaštitu okoliša i turizam.

Učešće u diskusiji uzeli su: Sanil Hasić, Emir Dautović, Nijaz Kadirić, Fatka Kulenović i Zikrija Duraković.

Nakon zatvorene rasprave, odgovore na postavljena pitanja dali su:

- Kemal Hodžić, voditelj divizije za otpad i okoliš u „nLogic Advisory“,
- Mersija Talić, pomoćnik ministra za zaštitu okoliša.

Sa 27 glasova »za«, bez glasova »protiv« i bez glasova »suzdržan«, Nacrt Plana zaštite okoliša Unsko-sanskog kantona 2024.-2032.godina dobio je potrebnu većinu uz zaključak da se javna rasprava provede u roku od 30 dana.

Ad.5.

Informacija o eventualnim uzrocima zagađenja rijeke Une i poduzetim aktivnostima nadležnih institucija

Izjavitelj: Edin Odošević, ministar Ministarstva za građenje, prostorno uređenje i zaštitu okoliša.

Ispred radnih tijela:

- Sanil Hasić, predsjedavajući Komisije za prostorno uređenje, planiranje, komunalne djelatnosti, zaštitu okoliša i turizam.

Učešće u diskusiji uzeli su: Sanil Hasić, Fatka Kulenović, Emir Dautović, Amir Murić, Asmir Čufurović, Nisvet Jusić, Mladen Lonić i Elvir Risović.

Nakon zatvorene rasprave, na zahtjev Kluba SDA pauza u trajanju od 5 minuta.

Nakon završene pauze, na prijedlog zastupnice Kulenović Fatke i zastupnika Hasić Sanila, sa 20 glasova »za«, bez glasova »protiv« i 5 glasova »suzdržan«, Skupština Unsko-sanskog kantona donosi sljedeći:

ZAKLJUČAK

Traži se od Vlade Unsko-sanskog kantona da pripremi materijal za održavanje tematske sjednice Skupštine Unsko-sanskog kantona na temu eventualnih uzroka zagađenja rijeke Une na način da se sumiraju svi dobiveni materijali, te da se pored Ministarstva za građenje, prostorno uređenje i zaštitu okoliša i Ministarstva zdravstva, rada i socijalne politike uključi i Biotehnički fakultet.

i sljedeći:

ZAKLJUČAK

Traži se od Kantonalne uprave za inspekcijske poslove da po hitnom postupku, u skladu sa svojim potrebama, izvrši zapošljavanje jednog ili više vodnih inspektora.

i sljedeći:

ZAKLJUČAK

Zadužuje se Vlada Unsko-sanskog kantona da izradi propis kojim će se regulisati status bespravno izgrađenih građevina na području Unsko-sanskog kantona, te da isti uputi u skupštinsku proceduru.

Sa 19 glasova »za«, bez glasova »protiv« i 5 glasova »suzdržan«, Informacija o eventualnim uzrocima zagađenja rijeke Une i poduzetim aktivnostima nadležnih institucija, dobila je potrebnu većinu.

Zatim je predsjedavajući Skupštine konstatovao, da će se u cilju efikasnijeg rada Skupštine Unsko-sanskog kantona, objediniti rasprava po sljedećim tačkama dnevnog reda:

Ad.6.

Informacija o stanju nasilja u porodici na području Unsko-sanskog kantona u 2024.godini

Ad.7.

Informacija o stanju sigurnosti vršnjačkog nasilja u školama na području Unsko-sanskog kantona za 2024.godinu

Ad.8.

Informacija o stanju maloljetničke delikvencije na području Unsko-sanskog kantona za 2024.godinu

Ad.9.

Informacija o stanju sigurnosti na području Unsko-sanskog kantona za period januar-juni 2025.godine

Ad.10.

Informacija o stanju sigurnosti saobraćaja na području Unsko-sanskog kantona za period od januara 2024.godine do juna 2025.godine:

- a) Informacija o stanju sigurnosti saobraćaja na području Unsko-sanskog kantona za period januar-decembar 2024.godine**
- b) Informacija o stanju sigurnosti saobraćaja na području Unsko-sanskog kantona za period januar-juni 2025.godine**

Izjestilac: Amel Kozlica, direktor Uprave policije Unsko-sanskog kantona.

Ispred radnih tijela:

- Jasmin Hušić, predsjedavajući Komisije za borbu protiv korupcije, pitanja sigurnosti i nadzora zakonitosti rada,
- Azhar Sejarić, predsjedavajući Komisije za obrazovanje, nauku, kulturu, sport i mlade.

Nakon završenog izlaganja, predsjedavajući Skupštine je otvorio raspravu.

Obzirom da nije bilo prijavljenih za diskusiju, predsjedavajući Skupštine zamolio je zastupnike da se izjasne o sljedećim informacijama:

- Sa 25 glasova »za«, bez glasova »protiv« i bez glasova »suzdržan«, Informacija o stanju nasilja u porodici na području Unsko-sanskog kantona u 2024.godini, dobila je potrebnu većinu.
- Sa 25 glasova »za«, bez glasova »protiv« i bez glasova »suzdržan«, Informacija o stanju sigurnosti vršnjačkog nasilja u školama na području Unsko-sanskog kantona za 2024.godinu, dobila je potrebnu većinu.
- Sa 26 glasova »za«, bez glasova »protiv« i bez glasova »suzdržan«, Informacija o stanju maloljetničke delikvencije na području Unsko-sanskog kantona za 2024.godinu, dobila je potrebnu većinu.
- Sa 26 glasova »za«, bez glasova »protiv« i bez glasova »suzdržan«, Informacija o stanju sigurnosti na području Unsko-sanskog kantona za period januar-juni 2025.godine, dobila je potrebnu većinu.
- Sa 25 glasova »za«, bez glasova »protiv« i bez glasova »suzdržan«, Informacija o stanju sigurnosti saobraćaja na području Unsko-sanskog kantona za period od januara 2024.godine do juna 2025.godine, dobila je potrebnu većinu.

Ad.11.

Informacija o provođenju Zakona o prijavljivanju i postupku provjere podataka o imovini nosioca javnih funkcija u USK-a za 2024.godinu

Izvjestilac: Adela Tabaković, sekretar Ureda za borbu protiv korupcije Unsko-sanskog kantona.

Ispred radnih tijela:

- Jasmin Hušić, predsjedavajući Komisije za borbu protiv korupcije, pitanja sigurnosti i nadzora zakonitosti rada.

Bez rasprave, sa 26 glasova »za«, bez glasova »protiv« i bez glasova »suzdržan«, Informacija o provođenju Zakona o prijavljivanju i postupku provjere podataka o imovini nosioca javnih funkcija u USK-a za 2024.godinu, dobila je potrebnu većinu.

Ad.12.

Izvještaj Nezavisnog odbora o radu direktora Uprave policije Ministarstva unutrašnjih poslova Unsko-sanskog kantona za period od 18. jula 2024.godine do 31. jula 2025.godine

Izvjestilac: Albijana Trnavci, predsjedavajuća Nezavisnog odbora.

Ispred radnih tijela:

- Jasmin Hušić, predsjedavajući Komisije za borbu protiv korupcije, pitanja sigurnosti i nadzora zakonitosti rada.

Učešće u diskusiji uzeli su: Aida Pašić i Asmir Ćufurović.

Sa 10 glasova »za«, bez glasova »protiv« i 17 glasova »suzdržan«, Izvještaj Nezavisnog odbora o radu direktora Uprave policije Ministarstva unutrašnjih poslova Unsko-sanskog kantona za period od 18. jula 2024.godine do 31. jula 2025.godine, nije dobio potrebnu većinu.

Nakon glasanja, podnesen je zahtjev za pojedinačnim izjašnjavanjem zastupnika.

U toku pojedinačnog izjašnjavanja zastupnik Sanil Hasić javio se za riječ po Poslovniku i zatražio pojašnjenje u smislu da li se zastupnici izjašnjavaju o predmetnom materijalu ili ga samo primaju na znanje.

Dragana Bajrić, sekretar Skupštine je naglasila da su se zastupnici izjašnjavali i o prethodnim informacijama, te čim se materijal prezentira da je samim tim primljen na znanje i da isto samo treba konstatovati.

Predsjedavajući Skupštine je konstatovao, da postoji dilema do koje nije trebalo doći, da je Služba Skupštine delegirala i jasno definirala naziv svake tačke dnevnog reda i da su u tom kontekstu predmetni zaključak ili zaključci o načinu glasanja trebali ranije biti definirani, a zatim je zamolio da se glasanje završi.

Nakon pojedinačnog izjašnjavanja, sa 10 glasova »za«, bez glasova »protiv« i 17 glasova »suzdržan«, Izvještaj Nezavisnog odbora o radu direktora Uprave policije Ministarstva unutrašnjih poslova Unsko-sanskog kantona za period od 18. jula 2024.godine do 31. jula 2025.godine, nije dobio potrebnu većinu.

Dragana Bajrić, sekretar Skupštine je naglasila da rezultat glasanja ne odražava nikakve posljedice po dostavljenom Izvještaju Nezavisnog odbora o radu direktora Uprave policije, te da je Nezavisni odbor samo upoznao Skupštinu o radu Policijske uprave i o vršenju svog nadzora nad Policijskom upravom.

Po Poslovniku za riječ se javio zastupnik Amir Murić koji je istaknuo da je Nezavisni odbor uvijek podnosio izvještaje Skupštini Unsko-sanskog kantona o kojima su se zastupnici izjašnjavali, te da nikad nije podnosio informaciju. On je također naglasio da je Zakonom o unutrašnjim poslovima propisano da Nezavisni odbor sačinjava detaljan tromjesečni izvještaj i dostavlja ga Skupštini Kantona iz čega proizilazi da se radi o izvještaju, a ne o informaciji.

Po Poslovniku za riječ se javio Abid Mulalić koji je naglasio da je Zakon o unutrašnjim poslovima jasan, te je shodno tome zatražio pojašnjenje od predsjedavajućeg Skupštine da li su se zastupnici izjasnili o izvještaju ili o informaciji.

Predsjedavajući Skupštine je konstatovao, da su se zastupnici izjasnili o Izvještaju Nezavisnog odbora o radu direktora Uprave policije Ministarstva unutrašnjih poslova Unsko-sanskog kantona, kao što je u materijalu naznačeno i kako je naslovljena tačka dnevnog reda, a koju je kao takvu i usvojila Skupština. On je također naglasio da je Skupština Unsko-sanskog kantona imenovala Nezavisni odbor, da se Skupštini podnose izvještaji u skladu sa zakonom i da se Skupština izjašnjava i o ovom materijalu.

Po Poslovniku za riječ se javio Abid Mulalić koji je konstatovao, da nije dobio traženi odgovor i ponovo naglasio da je Zakon o unutrašnjim poslovima jasan, da Skupština imenuje Nezavisni odbor i da Nezavisni odbor dostavlja barem jednom godišnje izvještaj Skupštini Unsko-sanskog kantona.

Predsjedavajući Skupštine ponovo je naglasio da je Skupština utvrdila tačku dnevnog reda, te da zastupnici glasaju o materijalu na način da se izjašnjavaju sa „za“, „protiv“ ili „suzdržan“ kako je to utvrđeno Poslovnikom Skupštine Unsko-sanskog kantona.

Dragana Bajrić, sekretar Skupštine je konstatovala, da se Skupština izjašnjava na način da prihvata ili ne prihvata informaciju koju je dostavio Nezavisni odbor, te da u konačnici Nezavisni odbor dostavlja izvještaj, ali ne u formi izvještaja, nego izvještavanja i da je Nezavisni odbor taj koji nadgleda, nadzire i dostavlja svoju ocjenu o radu Uprave policije.

Ad.13.

Izvještaj o radu Nezavisnog odbora za period od augusta 2024.godine do jula 2025.godine:

- a) Izvještaj o radu Nezavisnog odbora za period august 2024. – januar 2025.godine,**
- b) Izvještaj o radu Nezavisnog odbora za period februar-juli 2025.godine**

Izjavitelj: Albijana Trnavci, predsjedavajuća Nezavisnog odbora.

Ispred radnih tijela:

- Jasmin Hušić, predsjedavajući Komisije za borbu protiv korupcije, pitanja sigurnosti i nadzora zakonitosti rada.

Učešće u diskusiji uzeli su: Zinajda Hadžić, Asmir Ćufurović, Emir Dautović, Elvir Risović, Zikrija Duraković, Amir Murić i Abid Mulalić.

- a) Izvještaj o radu Nezavisnog odbora za period august 2024. – januar 2025.godine

Pojedinačnim izjašnjavanjem, sa 10 glasova »za«, 1 glasom »protiv« i 16 glasova »suzdržan«, Izvještaj o radu Nezavisnog odbora za period august 2024. – januar 2025.godine, nije dobio potrebnu većinu.

b) Izvještaj o radu Nezavisnog odbora za period februar-juli 2025.godine

Sa 10 glasova »za«, bez glasova »protiv« i 17 glasova »suzdržan«, Izvještaj o radu Nezavisnog odbora za period februar-juli 2025.godine, nije dobio potrebnu većinu.

Ad.14.

Informacija Uprave policije od 14.10.2025.godine

Izvestilac:

- Jasmin Hušić, predsjedavajući Komisije za borbu protiv korupcije, pitanja sigurnosti i nadzora zakonitosti rada,
- Amel Kozlica, direktor Uprave policije Unsko-sanskog kantona,
- Adnan Habibija, ministar Ministarstva unutrašnjih poslova.

Učešće u diskusiji uzeli su: Asmir Ćufurović, Nisvet Jusić, Amir Murić i Abid Mulalić.

Po Poslovniku za riječ se javila zastupnica Irma Fatkić i ukazala na član 70. Poslovnika Skupštine Unsko - sanskog kantona kojim je propisano da red na sjednicama održava predsjedavajući Skupštine, a zatim je čestitala predsjedavajućem Skupštine na vođenju sjednice u skladu sa Poslovnikom.

U nastavku diskusije učešće su uzeli: Irma Fatkić i Almin Hopovac.

Nakon zatvorene rasprave, odgovore na postavljena pitanja zastupnika dali su:

- Adnan Habibija, ministar Ministarstva unutrašnjih poslova i
- Mustafa Ružnić, premijer Unsko-sanskog kantona.

Na zahtjev kluba SDA, pauza u trajanju od 10 minuta.

Nakon završene pauze, predsjedavajući Skupštine dao je na izjašnjavanje predložene zaključke zastupnika u Skupštini Unsko-sanskog kantona.

Prijedlog zaključka kojim se zadužuje Vlada Unsko-sanskog kantona i Ministarstvo unutrašnjih poslova da u roku od 90 dana od dana donošenja ovog Zaključka sagledaju stanje kadrovske osposobljenosti Uprave policije Ministarstva unutrašnjih poslova, te radi održavanja povoljnog stanja sigurnosti predlože Skupštini Unsko-sanskog kantona izmjene Zakona o unutrašnjim poslovima Unsko-sanskog kantona i Zakona o policijskim službenicima Unsko-sanskog kantona, podnesen od zastupnice Fatkić Irme, sa 19 glasova »za«, bez glasova »protiv« i 8 glasova »suzdržan«, dobio je potrebnu većinu.

Prijedlog zaključka, podnesen od zastupnika Ćufurović Asmira koji glasi:

1. "Zadužuje se Ministarstvo unutrašnjih poslova da u roku od 10 dana pripremi i dostavi Skupštini Unsko-sanskog kantona, po skraćenom postupku, prijedlog izmjena i

- dopuna Zakona o unutrašnjim poslovima Unsko-sanskog kantona i Zakona o policijskim službenicima Unsko-sanskog kantona.
2. Predložene izmjene i dopune trebaju sadržavati zakonsko rješenje kojim se uređuje status policijskih službenika koji ispunjavaju uslove za prestanak radnog odnosa zbog beneficiranog radnog staža, na način da im se omogući ostanak u radnom odnosu do određenog vremena, sve dok ne budu primljeni, obučeni i osposobljeni novi policijski službenici koji će ih zamjeniti.
 3. Cilj ovih izmjena je osiguranje kontinuiteta u radu policijskih struktura, stabilnost sistema unutrašnjih poslova i zaštite sigurnosti građana, te izbjegavanje kadrovskih praznina koje bi mogle ugroziti operativnu spremnost policije.
 4. Zadužuje se Ministarstvo da u izradi izmjena i dopuna uključi Upravu policije Unsko-sanskog kantona, relevantne pravne propise i preporuke nadležnih institucija, kao i konsultacije sa Nezavisnim odborom, policijskim strukturama i sindikalnim predstavnicima“,

sa 11 glasova »za«, bez glasova »protiv« i 16 glasova »suzdržan«, nije dobio potrebnu većinu.

Sa 27 glasova »za«, bez glasova »protiv« i bez glasova »suzdržan«, Informacija Uprave policije od 14.10.2025.godine, dobila je potrebnu većinu.

Ad.15.

Izveštaj o radu i finansijskom poslovanju JP „Unsko-sanske novine“ d.o.o. Bihać za 2024.godinu

Izjestilac: Jasmina Dujmović, direktorica JP „Unsko-sanske novine“ d.o.o. Bihać.

Bez rasprave, sa 10 glasova »za«, bez glasova »protiv« i 13 glasova »suzdržan«, Izveštaj o radu i finansijskom poslovanju JP „Unsko-sanske novine“ d.o.o. Bihać za 2024.godinu nije dobio potrebnu većinu.

S ovim je završena 31. redovna sjednica Skupštine Unsko-sanskog kantona.

Sekretar Skupštine
Unsko-sanskog kantona
Dragana Bajrić, dipl.pravnik

Predsjedavajući Skupštine
Unsko-sanskog kantona
Nisvet Jusić